

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

Planè enim desolata & in acervum lapidum redacta est, decretumque est, quod usque ad consummationem perseverabit, Dan. 9. v. 27.

Videbimus

- I. Triplicem Querelam.
- II. Triplicem Medelam.
- III. Triplicem Cautelam.

J. J.

Exegetis.

Quod Salomo dicit de civitate, contra quam venerit Rex magnus & valaverit eam, & vir pauper & sapiens poterit eam liberare per sapientiam suam, si quis illius recordatus fuisset, Eccles. 9. v. 14. id haud inconcinnè Hierosolymæ applicari potest. Hæc à Romanis obsidione cincta & valde coangustata est, potuissest autem liberari, si pauperis & sapientis Christi recordati fuissent, & in tempore, quæ ad pacem suam pertinerent, perpendissent. Videns enim urbem, flevit super illâ, quôd indicavit, nihil se magis in votis habere, quâm ut ab instanti interitu illa prælervaretur. Propterea pergit; Si cognovisses & tu, & quidem in hâc die tua, quæ ad pacem tibi &c.

Querela respicit

I. *Judaorum obdurationem*, quod nullo modo Christi admonitioni locum reliquerint, de quo ipse conqueritur, in prælocta Pericope, inquiens, quod cognoscere noluerint. Hoc ita justo Dei judicio factum, qui ejusmodi homines tandem in perversum sensum tradit, ut dicant: pax, pax, & non est pax, Jer. 6. v. 14. De obduratione enim & occæctione verè dici

potest, quod sit peccatum & pena peccati. Mundus cœcus est, & tamen perspicaciore esse vult, quâm Deus omniscius, idèo exprobrat id Judæis, dicens: Locutus sum ad te, cum res adhuc salvæ essent; Non audiam: hæc est via tua ab adolescentia tua, quia non audisti vocem meam, Jerem. 22. v. 21.

Infans, qui ire incipit, & adhuc titubat pedibus, si non duci vult manu parentum, sed eripit se ab iis, tandem quidem dimittitur, sed & pena insequitur, ut in faciem prolabatur. Eodem modo Deus agit cum filiis immorigeris, quando illi ab ipso duci nolunt, excusâ regimine ejus; non audiuit populus meus vocem meam, & Israel non amat me, dimisi eos secundum cogitationes cordis eorum, ibant in adventionibus suis, Psal. 81. v. 12. & hæc obdurate pœnas Dei præcedit, ut Ethnicus ille testatur, inquiens: Iratus ad pœnam Deus si quos trahit, afferre mentem talibus prius solet, caliginemque effundit, ut ruant suas furenter in clades. Id in Judæis adeò impletum est, ut vel ipse Josephus scribat: Puto, si Romani contrâ noxios venire tardassent, aut hiatu terræ devorandam fuisse civitatem, aut diluvio peritaram, aut fulminum ac Sodoma incendia passuram.

Si perpendimus, Vos mei! qualis in hâc mundi fece rorum facies sit: sanè inficias ire nequimus, sed fateri cogimur, Deum Spiritum vertiginis plurimis immisile, ut quidem videamus omnis generis peccata patrari, sicut Christus & Apostoli dudum prædicterunt, Matth. 24. v. 37. Luc. 17. v. 1. 21. v. 34. 2. Tim. 2. v. 3. Verum existium quod simul annunciant, non ponderamus, utin tempore resipescentes, mediis

ccc

illis

illis utamur, quæ ad pacem nostram pertinent: sed profanæ sunt viæ nostræ, omni tempore, alta sunt judicia Dei coram nobis, Psal. 10. v. 5.

Quis recordatur amplius trigesimalis belli, quod universam nostram patriam inundat? Quis teterimæ pestilentia, ubi ceciderunt à latere nostro mille, & decem millia à dextris nostris? Psal. 91. v. 6. quis mundiciem dentium, & indigentiam panum, in omnibus locis nostris? Amos 4. 6. ubi melius fuit occisis gladio, quam interfectis fame: quoniam isti extabuerunt, consumiti à sterilitate terræ, Thren. 4. v. 9.

Hoc non latet Deum, ideoque nos aliquoties denuò præmonuit, cùm per bellum tempestatem, tūm per varios morbos, tūm etiam per insolitum Cometam: quæ omnia nihil aliud sunt, quam Praecones pœnitentiæ, ut in nosiplos descendentes, quilibet dicat: Quid feci? Jerem. 8. v. 6. Verum non irridetur Deus, Galat. 6. v. 7. Est ille justus judex, & Deus minitans per singulos dies, Psal. 7. v. 12-14.

II. Romanorum græssationem, de quâ Christus: Venient dies in te, & circumdabunt te inimici tui vallo: & circumdabunt te, & coangustabunt te undique, & ad terram prostrerent te, & filios tuos, qui in te sunt. Et non relinquunt in te lapidem super lapidem.

Hic processus bellicus est. Ibi enim civitates obsidentur, & igne ac fame ita coangustantur, ut homines in petras & foramina terræ se abscondant, sicut & Hierosolymis factum est, hōc modo multa loca munita vi occupantur, quæ alias expugnari non potuissent. Quando enim homi-

nes fame ita macerantur, defendere se non possunt, & ita deditio[n]em ad hostem facere coguntur: qui sèpè crudelissimè eos trastat, & instar pecorum macat, ut & infantum in utero materno ratio non habeatur, 2. Reg. 8. v. 12, c. 15. v. 16. Multis manuum pollices amputantur, ut Adonibezec septuaginta Regibus fecit, & ita pœnam talionis expertus est, Jud. 1. v. 7.

Multis oculi effodiuntur, ut Regi Zedekia factum, Jer. 52. v. 11. Ita Balilius Imperator Constantinopolitanus egit cum Bulgariis, quorū quindecim millia cepit, isque oculos eruit, ita tamen, ut inter centum uni oculum relinqueret, qui residuos nonaginta novem domum reduceret.

Interdum populi congregantur ut arena, Hab. 1. v. 9. & instar pecorum abiguntur, ut in peregrina terra moriantur, Eze. 22. v. 15. sive pueri dantur pro cibo, & puellæ venduntur pro vino, ut bibantur, Joel. 3. v. 3.

Tandem & civitates quandoque exscinduntur, & igne comburantur, & solo aquantur, sicut Abimelech Sichem fecit, Jud. 9. v. 45.

Breviter: Bellum est sentina malorum, in qua omnia mala confluunt, unde & absolute malum dicitur, Esa. 45. v. 7.

Serò proinde oremus: Da pacem Domine, in diebus nostris. Non enim fugit nos, quid molitur infernalis Cacodæmon, quomodo operosus sit ad novum bellum ferendum, coram eo enim gaudet mæror, Job. 41. v. 13. Sicut igitur recidivorum morbi corpori humano prioribus periculosiores sunt: ita etiam bellum dilectam patriam nostram procul dubio magis affligeret, postquam illa viribus suis enerata

vata est, ut clausi quoque defecerint, & residui consumti sint, Deut. 23. v. 36.

Qui sapit admonitioni locum relinquat, & emendet vitam. Jam enim securis ad radicem arborum polita est: omnis ergo arbor &c. Matth. 3. v. 10.

III. *Contrarium Pontificum & Scribarum imaginationem*, qui quarebant Christum perdere.

Hæc gratia Christi est, quam reportat, quod templum ille purgat. Hæc fors adhuc hodiè omnes fideles verbi Præcones manet. Mundus enim omnes fideles admonitiones spernit, omnem castigationem respuens. Si quis liberius paulò loquitur, responsum capit: Num Consiliarius Regis es? quiesce, ne interficiam te, 2. Chron. 25. v. 16.

Johannes Hussus fidelis ille Ecclesiæ Doctor, templum repurgaturus erat, à quisquiliis, quibus Pontifex & Satellites ejus illud fecerant: verum insidias vitae ejus tendebant: & ubi non inveniebant, quid facerent, salvum conductum ipsi pollicebantur, ut in Concilio Constantiensi, ad rationem de doctrina sua reddendam appareret, verum contra datam fidem ipsum cremabant, cineres ejus in Rhenum dispergentes.

Quid B. Luthero accidit? Et ipse tempulum purgare incipiebat, indulgentiarum nundinatibus inensas subvertiebat, & ejiciebat illos verbo Dei. Hinc Papa Romanus ejusque asseclæ quarebant illum perdere: & quamvis gratia Dei ipsi incommodare non potuerint, atamen virulentissimas calumnias in eum effuderunt, eumque permisso Dei lingua percusserunt, Jer. 18. v. 18.

Qui adhuc hodiè manus suum fideliter obit, peccata & flagitia justo zelo taxans, nil nisi odium & persecutionem expectet: Non sumus meliores patribus nostris, 1. Reg. 19. v. 5. Si patrem-familias Beelzebub vocaverant, quanto magis domesticos ejus? Matth. 10. v. 25.

Verum vindicta Dei inveniet ingratos hos hospites suo tempore. Qui enim redet mala pro bonis, non recedet malum de domo ejus, Prov. 17. v. 13. Commendemus modò vindictam Domino, ipse faciet, Psal. 37. v. 5.

De Secundo,

Sequitur Medela, quæ fluit

I. *Ex lacrymarum Christi consideratione*, quæ profundiunt,

1. *Ex rivulo affectus paterni*, quem hoc ipso Judæis & toti mundo commendat. Quomodo enim pater miseretur filiorum, misertus est Dominus timentium se, Psal. 103. v. 13. hinc appellatur Pater æternitas, Esa. 9. v. 7.

Quando probus pater filiorum interitum videt, quos labore & molestia educavit, animi ille propterea angitur, & dolore perturbatur, ut Davidis exemplum de interitu Absolonis dolentis, probat, 2. Sam. 18. v. 33.

Sic Christum valde sollicitum reddidit, cum Judæi spirituales ejus filii ipsi obsecrarent, incitato vero cursu in interitum ruerent, non enim delectatur in ullius hominis perditione, Tob. 3. v. 22. sed mavult, omnes ad agnitionem veritatis & salutem pervenire, 1. Timoth. 2. v. 4.